



30 Ogos 2024
30 August 2024
P.U. (A) 229

WARTA KERAJAAN PERSEKUTUAN

FEDERAL GOVERNMENT GAZETTE

PERATURAN-PERATURAN KESELAMATAN SOSIAL PEKERJAAN SENDIRI (KADAR CARUMAN BAGI PENJAJA ATAU PENIAGA) 2024

SELF-EMPLOYMENT SOCIAL SECURITY (RATES OF CONTRIBUTION FOR HAWKER OR TRADER) REGULATIONS 2024

DISIARKAN OLEH/
PUBLISHED BY
JABATAN PEGUAM NEGARA/
ATTORNEY GENERAL'S CHAMBERS

AKTA KESELAMATAN SOSIAL PEKERJAAN SENDIRI 2017

PERATURAN-PERATURAN KESELAMATAN SOSIAL PEKERJAAN SENDIRI
(KADAR CARUMAN BAGI PENJAJA ATAU PENIAGA) 2024

PADA menjalankan kuasa yang diberikan oleh perenggan 83(2)(h) Akta Keselamatan Sosial Pekerjaan Sendiri 2017 [*Akta 789*], Menteri membuat peraturan-peraturan yang berikut:

Nama dan permulaan kuat kuasa

1. (1) Peraturan-peraturan ini bolehlah dinamakan **Peraturan-Peraturan Keselamatan Sosial Pekerjaan Sendiri (Kadar Caruman bagi Penjaja atau Peniaga) 2024**.

(2) Peraturan-Peraturan ini mula berkuat kuasa pada 1 September 2024.

Kadar caruman

2. (1) Seseorang penjaja atau peniaga hendaklah membayar suatu caruman kepada Pertubuhan atau mana-mana ejen keselamatan sosial pekerjaan sendiri pada kadar sebagaimana yang dipilih oleh penjaja atau peniaga itu berdasarkan pendapatan bulanan pilihan yang diinsuranskan sebagaimana yang dinyatakan dalam Jadual.

(2) Penjaja atau peniaga yang disebut dalam subperaturan (1) hendaklah merupakan orang yang—

(a) menjalankan aktiviti pekerjaan sendiri sebagaimana yang dinyatakan dalam perenggan 10 Jadual Pertama kepada Akta;

(b) mempunyai apa-apa lesen atau kelulusan bagi aktiviti berhubung dengan menjaja atau berniaga, di jalan atau pasar yang dikeluarkan oleh mana-mana pihak berkuasa di bawah Akta Kerajaan Tempatan 1976 [*Akta 171*], Ordinan Kerajaan

Tempatan 1961 (Sabah No. 11 1991) atau Ordinan Kerajaan Tempatan 1996 (*Sarawak Bab. 20*).

(3) Tempoh perlindungan bagi kadar caruman yang dipilih oleh penjaja atau peniaga di bawah subperaturan (1) hendaklah bagi tempoh dua belas bulan berturut-turut.

(4) Jika dalam tempoh perlindungan yang disebut dalam subperaturan (3), kesahan apa-apa lesen atau kelulusan bagi aktiviti berhubung dengan menjaja atau berniaga, di jalan atau pasar yang dikeluarkan oleh mana-mana pihak berkuasa di bawah Akta Kerajaan Tempatan 1976, Ordinan Kerajaan Tempatan 1961 atau Ordinan Kerajaan Tempatan 1996 itu habis tempoh,—

(a) tempoh perlindungan itu hendaklah terus berkuat kuasa sehingga tempoh dua belas bulan berturut-turut itu habis; dan

(b) penjaja atau peniaga hendaklah mengemukakan kepada Pertubuhan, apabila diminta oleh Pertubuhan, apa-apa lesen atau kelulusan baharunya, mengikut mana-mana yang berkenaan, untuk penentusahan.

JADUAL

[Peraturan 2]

KADAR CARUMAN BAGI PENJAJA ATAU PENIAGA

1. Bagi maksud Jadual ini, “pendapatan bulanan pilihan yang diinsuranskan” ertinya kelas pendapatan yang ditunjukkan di bawah untuk dipilih oleh penjaja atau peniaga bagi maksud pembayaran caruman.
2. Kadar caruman berdasarkan pendapatan bulanan pilihan yang diinsuranskan adalah seperti yang berikut:

(1) Bil.	(2) Pendapatan Bulanan Pilihan yang Diinsuranskan [RM]	(3) Kadar Caruman bagi Dua Belas Bulan Berturut-turut [RM]
1.	1,050.00	157.20
2.	1,550.00	232.80
3.	2,950.00	442.80
4.	3,950.00	592.80

Dibuat 28 Ogos 2024
[KSM.PUU(S)600-1/2/27/8 (5); PN(PU2)744/JLD.4]

SIM CHEE KEONG
Menteri Sumber Manusia

SELF-EMPLOYMENT SOCIAL SECURITY ACT 2017

SELF-EMPLOYMENT SOCIAL SECURITY
(RATES OF CONTRIBUTION FOR HAWKER OR TRADER) REGULATIONS 2024

IN exercise of the powers conferred by paragraph 83(2)(h) of the Self-Employment Social Security Act 2017 [Act 789], the Minister makes the following regulations:

Citation and commencement

1. (1) These regulations may be cited as the **Self-Employment Social Security (Rates of Contribution for Hawker or Trader) Regulations 2024**.

(2) These Regulations come into operation on 1 September 2024.

Rates of contribution

2. (1) A hawker or trader shall pay a contribution to the Organization or any self-employment social security agent at the rates as selected by the hawker or trader based on the selected insured monthly earning as specified in the Schedule.

(2) The hawker or trader referred to in subregulation (1) shall be the person who—

(a) carries out the self-employment activity as specified in paragraph 10 of the First Schedule to the Act; and

(b) holds any licences or approval for activity in relation to the hawking or trading, at street or market issued by any authorities under the Local Government Act 1976 [Act 171], the Local Government Ordinance 1961 (Sabah No. 11 of 1991) or the Local Authorities Ordinance 1996 (*Sarawak Cap. 20*).

(3) The coverage period for the rates of contribution selected by the hawker or trader under subregulation (1) shall be for a period of twelve consecutive months.

(4) If within the coverage period referred to in subregulation (3), the validity of any licences or approval for activity in relation to the hawking or trading, at street or market issued by any authorities under the Local Government Act 1976, the Local Government Ordinance 1961 or the Local Authorities Ordinance 1996 expires,—

- (a) the coverage period shall continue to have effect until the period of twelve consecutive months expires; and
- (b) the hawker or trader shall submit to the Organization, upon request by the Organization, his any new licences or approval, as the case may be, for verification.

SCHEDULE

[Regulation 2]

RATES OF CONTRIBUTION FOR HAWKER OR TRADER

1. For the purposes of this Schedule, “selected insured monthly earning” means the class of earnings as shown below to be selected by hawker or trader activity for the purpose of payment of contribution.
2. The rates of contribution based on the selected insured monthly earning are as follows:

(1) No.	(2) Selected Insured Monthly Earning [RM]	(3) Rates of Contribution for Twelve Consecutive Months [RM]
1.	1,050.00	157.20
2.	1,550.00	232.80
3.	2,950.00	442.80
4.	3,950.00	592.80

Made 28 August 2024

[KSM.PUU(S)600-1/2/27/8(5); PN(PU2)744/JLD.4]

SIM CHEE KEONG
Minister of Human Resources